

EHk kale istiluei buruz egin adierazpenak itxaropentsuak dira Ibarretxerentzat

Aurrera egiteko PPk, PSOEk eta EHk Mahai berean egon behar dutela dio

Agentziak / Madril

Astearte iluntzean Aznarrekin bildu eta gero, atzo goizean Juan Jose Ibarretxek komunikabideekin hitz egin zuen Madril. Bezperako bilerari buruz argibide gehiago eman gabe, hitz egiten jarraitzeko asmoa nabarmendu zuen. EAEko lehendakaria baikor agertu zen EHko buruzagiek kale istiluen inguruan eginiko adierazpenengatik.

JUAN JOSE IBARRETXEK diferentziak izan arren hitz egiten jarraitzeko asmoa berretsi zuen Aznarrekin izaniko bilerari buruz galdetzean. Ibarretxek datorren astean Legebiltzarreko alderdi guztiekin kontaktuak hasiko dituela azaldu zion Aznarri. Halaber, indarkeriaren biktimen jasandako kaltea konpontzeko eta bake prozesua laguntzeko pausuak ematea proposatu zion, azken horien artean presoan hurbiltzea. Aznarrek, berriz ez dagoela onartzeko moduko indarkeria mailarik azaldu zion Ibarretxeri.

Horri lotuta, Ibarretxe EAEko lehendakaria itxaropentsu agertu zen atzo EHko buruzagiek kale istiluen inguruan eginiko adierazpenekin. «Egiten ari diren gogotek itxaropena ematen duten pentsatzeko alderdi horretan gero eta gehiago dira bide politikoaren aldeko apustua egiten dutenak».

Madrilen kazetariekin egi-



BARRIOPEDRO / EFE

Juan Jose Ibarretxe EAEko lehendakaria atzo Madril kazetarien aurrean eginiko agerraldian

niko gosari batean azaldu zuen, Arnaldo Otegi HBko buruzagiek eginiko adierazpenak, «itxaropen eta konfiantza» sortzen dutela, indarkeria desagertzen joan dadin.

Erabakitzeko euskal esparruaren inguruan, Ibarretxek azaldu zuen euskal alderdiek eztabaidatu beharreko gaia dela, nahiz ez zuen baztertu gero beste instantzia batzuetan eztabaidatu beharko litzatekeela. Halaber, Ibarretxek azaldu zuen, euskal gizartea izango dela egunen batean bere etorkizuna erabakiko duena, «errespetuz

JUAN JOSE IBARRETXE

■ ■ ■ *«Ezinezkoa da prozesuak aurrera egitea, PP, PSOE eta EH ez badira Mahai berean eseritzen»*

eta demokraziaz, indarkeria-rik gabe ideia guztiak legitimoak baitira».

Bake prozesuaren inguruan azpimarratu zuen

garrantzitsuena lanean jarraitzea dela. «Bakea ez da soilik biolentzia eza, normal-kuntza eta adiskidetzeta eskatzen du». Alderdiekin foro berri bat osatu asmoz hasiko duen elkarrizketa txandari buruz, diskrezioz egingo direla esan zuen. Alderdi guztiak Mahai berean eseriko diren konfidantza azaldu zuen lehendakariak: «ezinezkoa da aurrera egitea Mahai berean ez badaude PP, PSOE eta EH. Ekimen horrekin bilatzen dudana bakarra bakea lortzea da, hitz eginez lortzen da arazoak konpontzea eta elkarren artean ulertzea».

Garaikoetxea: «Biolentziaren gaia konpontzeak ahalbidetuko du EHrekin akordioa»

Efe / Gasteiz

CARLOS GARAICOETXEA Eusko Alkartasunako lehendakariak adierazi du biolentziarengaineko konpontzeak ekarriko duela legegintzaldirako akordioa. EAJ eta EA EHrekin negoziatzeko ituna. Garaikoetxeak, gainera, denbora aldarrikatu zuen ENAMen bilakaera aztertze-ko.

Akordioa «ultimatumen» bidez lor daitekeenik ukatu egin zuen Garaikoetxeak. Iosu Ion Imaz Jaurilaritzako

eledunak adierazi du ez dela akordiorik izango EHko biolentzia gaitzesten ez duen bitartean. Garaikoetxeak, ordea, pentsatzen du bide horrek ez duela ituna ahalbidetuko.

«Bakarrik esan dezaket EAn ez dugula posible ikusten itun egonkorra ekintza biolentoak badaude. Hala ere, badakigu gai hauek denbora behar dutela konpontzeko», adierazi zion EAKo lehendakariak Efe agentziari.

PPk eta PSOEk Lizarrako

alderdiak kritikatu dituzte foro horrek ez duelako biolentziaren erabilera arbuia-tu. Kritika hori deitoratu egin du Carlos Garaikoetxe-ak: «Kritika horiek tamalgarriak dira. Gainera erakusten dute une zail hauetan benetako frankotiradoreak daudela».

Popularren eta sozialisten kritika horien atzean asmo elektoralistak antzeman ditu Garaikoetxeak. «Ez zait zuzena iruditzen hala jardutea. Izan ere, PPk eta PSOEk sobera dakite ENAMen

estrategian aldaketak daudela, eta bilakaera horrek denbora behar duela. Gainera, ez da errealista pentsatzea halako autokritika gogorra egitea», adierazi zuen.

Ezker abertzalearen bilakaera frogatuko lukete, Carlos Garaikoetxeak esan zuenez, Jone Goirizelaia edo Arnaldo Otegiaren adierazpenek. EAKo lehendakariaren arabera, ezker abertzaleko buruzagi horiek argiro zalantzan jarri dute kale borrokaren erabilera.

HB: «Estatuaren indarkeria ez da onargarria»

Erredakzioa / Donostia

ESPAINIAKO gobernuak behin eta berrito «indarkeria maila onargarri-rik» ez dagoela adierazi du, eta horren aurrean Herri Batasunak agiri bat eman du ezagutzera estatuaren indarkeria salatze-ko. HBk dio estatu espainiarraren biolentzia ez dela gelditu. Euskal presoak Euskal Herri- tik ehundaka kilometrotara mantentzea, eta zigorraren hiru laurdenak beteak dituztenak eta gaitxo daudenak ez askatzea «doanezko indarkeria» dela salatzen du HBk, «indarkeria gure artean mantentzeko apostua argia delarik». Halaber, Segurtasun Indarrek Euskal Herrian burutzen duten indarkeria ez dela onargarria diote.